

歙雲誼鈔

下冊

歎雲詩鈔卷五

金門 林樹梅 箸

散遣鄉勇

辛丑防夷廈門當事屬樹梅團練鄉勇千人未
用也旋以廣東議撫遽令散遣詩以志慨

惟 皇撫萬國德化高唐堯遠人既率服螳臂何偏驕
羣公急籌備走幣來相邀椎牛饗壯士義氣干雲霄千
人共一膽步武無喧囂方期衛桑梓同慶烽煙銷鉛刀
惜未試翻遣歸漁樵厦金脣齒地未免愁虛枵杞憂仗

誰解濁酒聊自澆歌罷仰天嘯慷慨思嫵姚

遊白鹿洞諸勝

洞口風吹宿霧開徑須呼酒看山來千年白鹿銜花處

幾見蓮蹤印綠苔

小姬從行

大觀樓臺翠巖東洞壑煙霞向背通我自倚闌閒覓句

玉釵斜上夕陽紅

六合天垂一綫青半池月伴少微星呼童掬取龍泉水

歸洗松煙注劍經

六台洞半月池龍泉爲山中最勝處

清游如夢復如仙雲水蒼茫悟畫禪千里空明歸一鏡

海天潮上月初圓

姬袖千里
鏡供眺遠

登嘉興砦

高砦收諸勝今來上石巔
眼中低島嶼鏡裏共樓船
俯仰論形勢安危在幹旋
明當掛帆去海月爲誰圓

遊萬石巖望醉仙洞象鼻峯至小桃源

一快遊山興先窺古洞門
石頑偏解笑

有大石開口人
刻石笑二字

醉欲何言象鼻穿雲出泉聲入座喧
誰知滄海外亦有

桃源

哭高雨農夫子

斯文何散道所幸廁門牆教誨恩猶子存心意自傷千
秋名姓在一痛海山長更灑濂谿淚臨風共此觴芸泉
師與

契師至

記曾隨杖履健步上烏君山水應如故先生不可聞階

前餘鄭草天下拜韓文

著韓文故萃
精力三十年

廬墓知無日經年

况海氛

聞師訃適夷
警留滯泉南

廈門書事

辛丑七月九日夷船三十四艘乘虛入青巖口

當事愕然夜半屬往高崎再募鄉勇比至而廈

門已失當事退守同安矣

經年籌備泥重關孤注如何一擲間但見鯨鯢來鼓浪

鼓浪嶼與廈門對峙

誰移熊虎守輪山

輪山在同安縣城北

死生頃刻人爭

渡烽火家鄉我未還回憶倚閭愁正切可憐無計慰慈

顏

弔禦夷死事諸公

七月十日夷犯廈門領兵官延平副將淩公志
水師遊擊張公然汀州守備王君世俊水師把
總紀君國慶楊君肇基李君啟明等拒戰兵潰

皆死之翼長江公繼芸遊擊洪公炳勢急亦投
海死

戰守紛紛議不同一時捍禦獨諸公卽看壯氣能吞敵
始信捐軀是盡忠大將漫言屍裹革後軍先作鳥驚弓
千秋自有平心論爲誦招魂弔鬼雄

義娘祠

義娘廈門人康熙癸卯軍興頭觸石幾碎不得
死被擄北行投邑東高文嶺道旁井庚戌春鄉
人蘇貴感夢浚井得白骨裹葬立祠勒石道右

蓋祠井皆以義娘名存其實也辛酉秋邑大旱
汲井以雲遂雨乾隆丙寅春蟲害麥令張荃作
文禱祠下夜疾風雨蟲盡死麥以有秋道光辛
丑七月樹梅避亂過此瞻像窺井鄉父老猶爲
道救旱驅蝗事知義娘功在生民爲肅敬久之
顧郡邑志乘皆不及載他書傳誤如泉州府志
引觚賸作王氏葉晴峯引紀同文集義娘傳作
侯氏同安縣志引廈門碧山寺前廟壁碑文作
曾氏率率引附會無足深攷姑并存之嗟夫義

肅雲詩金卷五
娘抱貞完操亦何庸藉是得名哉

高文之嶺何崔嵬亂軍嶺下來喧豕馬前雜沓載金寶
馬後狼籍橫裙釵此時但見一路哭十室逃亾九空屋
義娘自恨顏如花花顏更恨禍尤酷舉頭呼天天亦驚
迴頭還見同安城妾身可殺不可辱妾心可死不可行
紛紛扶挾方踰嶺道畔淵淵見深井井波潔白同妾心
此間差可完腰領一從埋玉水猶香義娘名字如水長
真人自古不苟死捍蓄救旱驅螟蝗至今祠祀酬遺澤
父老傳聞聲嘖嘖清泉點滴能活人長使居民無疾疫

我來避亂瞻此祠豐碑讀罷心爲儀生畱貞操死畱惠
女子如此羞男兒廈門正苦遭夷蹂安得神靈蕩羣醜
流離咸慶歸故鄉賽神再薦菊花酒

憫旱

時避兵
內官鄉

廈島何時復金門更可憂旱兼兵氣惡波撼海風愁
咫尺家書滯殷勤地主畱望師如望雨惆悵一天秋

得家書

間道書初達平安字倍明衣添慈母線語見瘦妻情所
慮惟艱食

金門糧自外運海
賊乘亂商販不通

何時可罷兵一心懸兩地

歸夢苦難成

夢先君子軍容甚盛

倚劍如聞昔日音一天鼙鼓陣雲深島門沙草初鳴雁
父老箴壺正望霖猶見平生憂國志應知未死出師
心孤兒卽欲陳時事夢醒空傷淚滿襟

哭林仲環

仲環名玖瓔金門人好善有巧思少時嘗得遺
金守候其人還之既長多讀書工鑄劍又能爲
礮車船器皆奇妙適用近歲夷氛方期乘時自

見而遽以病死嗚呼海鄉未平斯人已不可見
惜哉

生小同鄉意自親精思最愛妙無倫如君豈合田間老
高誼能存古處真誰與虎谿同弔古營同遊虎谿巖尙畱龍劍
欲生塵竭來金厦傳烽火灑涕臨風惜此人

秋夜大雷雨

夜半驚雷起盤空弗少停火雲方化雨赤地已回青谿
入秋潮壯風吹戰血腥兵農交困甚啾唧有誰聽

再過萬松關遇毛干戎起鳳

十載重來漳水東
天教無意再逢公
萬松猶作龍吟壯
一磴遙聯鳥道通
回首魂飛雙島外
舊遊人老夕陽中
海氛未靖需才急
遲汝關前立戰功

對菊

如何瘦影不知寒
我亦無言對夜闌
霜雪飽經猶放藥
百花似此晚香難

雨中過洛陽橋拜蔡忠惠公祠

溫陵猶在望
跨海一橋橫
凍雨山將合
衝潮岸未平
公成千古業
我感此時情
惆悵無舟楫
何人問戰爭

公奏
籍漁

船教習水戰見福
建通志引公文集

風雨滯塗嶺驛

昨日風載途今日風兼雨
複嶺間重山前路修且阻
我方遊子寒更念僕夫
苦沾酒聊慰之兀坐憶鄉土
夜來風愈癡挾屋欲飛舞
燈花慘不舒簷溜急如弩
詩成壁上題不寐漏將五
回首憐哀鴻嗷嗷復誰撫

長至日抵省寓

至日多風雨偏隨客到門
囊經三徙罄身受百磨存戰
氣無端起生涯不忍言何時
將八口歸去事田園

喜悟康允怡廣文卽送之任順昌

我家海東隅海南君所住心交二十年義比金石固饑寒橫相驅迫我難畱駐別君爲遠遊偃蹇寡知遇比歲君家居我寄榕城寓邵武才告歸轉向金廈去及君來省垣我走漳泉路會少離偏多夢境猶依慕誰知今逢君又值送君處問君意何如言駕順昌馭儒師宜可爲况乃存吾素願君行自珍揮手毋復顧嗟我未忍歸繫馬烏柏樹霜深葉愈紅題詩不成句望望白雲飛歷落如絲絮安得好風吹與汝重相聚

寫麻姑像與姬人并題

我聞神女名麻姑眼中三見滄海枯爲憐戍卒苦工作
鷄聲唱罷千城夫初疑傳語涉荒誕轉信厥理非全誣
神仙自古本慈惠煉丹服食徒區區小姬頗具出塵想
讀姑遺事心忻愉窗前丐我寫姑像高髻雙綰衣六銖
我時笑問汝奚取豈欲撒米成珍珠云妾仙福未敢冀
但愛玉立非凡姝瓣香日對女兒相能使心地祛纖污
此言差可強人意吮毫漫爲親臨摹無端海上寇氛起
仙人歷劫遺茲圖卻從兵燹得呵護完幅依舊歸吾廬

小姬重覩喜且詫人意如與仙緣孚閨中從此益頂禮
看取壁上生蓬壺仙乎仙乎不歸去珊珊環珮其來乎

題試劍石

寶劍淬寒泉崎嶇欲盡削頑石安足論還惜千金鏹

挈眷遊鼓山

全家避暑躡層雲喜遇支公亦解文索我新詩題絕頂

管教消受佛香薰

謂詩僧六
坤漳州人

遙指靈巖第幾重國師曾此制妖龍至今煙雨空濛際

還見鱗鱗十丈松

梁開平初閩王迎神晏禪
師主鼓山國師巖其迹也